



kat.komp.

220129



Mag. St. Del

P

Angelicus

Test. 5352.

Orłowski i Naththaei Casim. Iris a Sole
refracta.

I R I S ²³
à

SOLE REFRACTA.

Quam anniuersariâ die

S. THOMÆ,

Doct: Angelici

In nube AQUINATICA ex gentili-



tijis fluminibus deducta

Obseruauit.

Et stylo Panegyrico ad
Aram SS. Trinitatis

In Basilica Inclyti Ordinis Prædicatorum Crac.
Demonstrauit.

M. MATTHÆVS CASIMIRVS OR-
LOWSKI, Phil. D. Reg. Consist. Crac.

Anno Domini M. DC. LXIV. die VII. Martij.


C R A C O V I Æ.

Apud Heredes & Successores, LVCÆ KVPISZ, S. R. M. Typogr.

Vide Arcum & benedic eum qui fecit illum valde
speciosus est in splendore suo. *Ecclesiastici Cap. 43.*



Erat IRIS in capite eius : & habebat in manu sua
libellum apertum. *Apocalyp. Cap. X.*

220129 



PERILLVSTRIBVS REVERENDISSI-
MIS, 7 LLVSTRIBVS

Et Admodum Reuerendis Dominis,

Prælatiſ & Canonicis totique Per-
auguſto Capitulo Eccleſiæ Ca-
thedraliſ Cracouienſiſ D.D. &
Patroniſ colendiſſimiſ.

Ridem Aquinaticam in fluido Elemento à
Sole refractâ Et vocali Suada industriâ in
Arcum triumphalem Doctori Angelico ere-
ctam nunc in paginam deduco Et Vobis ſi-
ſto Perilluſtreſ Reuerendiſſimi Illuſtreſ Et Admodum Rndi
D. D. Tanti enim Doctoriſ coronamentum eò pulchrius
ſub Veſtriſ Coroniſ ſpectantium oculos ad honoris reueren-
tiam inuitabit, quò ſplendidiuſ repetita ex concurſu flam-
marum Maieſtaſ in animiſ ſui colliget admirationem, Et
mei opus exile ingeniij ſpero ſecuriuſ per vanos interpretũ
ſenſuſ tranſſiturum tanti interuentu patrociniij. Multum
certè Vobiſ debet Magnuſ hic in Eccleſia Doctoreſ Et
Hæreſum debellator victoriſſimuſ cuiuſ Elementari co-
ronæ Veſtraſ ſuperaddidiſtiſ Coronas, tam ad decorem,
quàm ad ſecuritatem. Publico ſæpiuſ damno ad coronam
peruenitur, Vobiſ virtute Et Scientiâ ; alibi tumida ſub
pretioſo onere capita franguntur, hîc ex dignitate erigun-
tur, ita vt nemo Veſtrũ ſit qui amplitudinem excelſi no-
miniſ

minis intra Regiam Maieſtatem non metiatur. Quare
 aſſumant alij ſublimes in patrocinium turres, ego Coronas;
 alij ferro armisq; ab inſultu inuidiæ ſeſe protegant, ego ab
 illuſtri metallo Veſtrorum Diadematum affectum & can-
 dorem vniuſcuiuſq; rapiam; potentiâ alij, ego benignita-
 te Veſtrâ Coronati ſacrorum Præſides. Nec iam mirû vi-
 deri debet Orbi Polono, ſi à Vobis Magni conſilij expetun-
 tur capita, prius Coronis ferendis quàm Inſulis aſſueta;
 quem enim ſplendor Veſtrorum in Eccleſia Dei meritorum
 non perſtringat? quem Publici muneris ſapiùs impoſitum
 onus ingenio, dexteritate, & prudentiâ celeberrimè non fa-
 ciat? quem vigiles ad Aras Diuorû excubiæ poſteritati ad-
 imitandum non proponant? hæc cogitatione inducti cur-
 rimus ad Veſtras Coronas velut ad Pharum Philadelphicâ
 ſpectactores non apprehenſores, ſubmittimus capita non
 coronandi ſed protegendî ſecurè pulſamus, accedimus, ad-
 mittimur; & ſi contra egeſtatem auro opus habemus, aut
 in patrocinio vocem, manum in lapſu poſcimus, facile im-
 petramus diùm vultu loquimur magis Taciti quàm Tullij
 Oratores. Non hæc Timantis penicillo exprimenda ſunt
 cùm ex factis interpretatione ſumant, linguis potiùs omni-
 um celebrantur, quàm ſimulacris effinguntur. Quare ſub
 tutela Veſtrarum Coronarum aſſurgit nunc mea IRIS in
 plauſum Doctôri Angelico, non dubito quòd ubi laurea-
 to Capiti aliquid ad decorem aut dignitatem defuerit, à
 Veſtrorum ſplendore Diadematum mutuabitur. Fauete
 igitur præconceptis votis, & ſi imparem tanto Doctôri
 Eloquentiam deprehenderitis Iuſtiniani Diſcipulum,
 non Tullij eſſe memineritis.

Veſtri Perauguſti Capituli

Seruus obſequentiſſim uſ

M. MATTHEVS CAS: ORLOWSKI, Phia D. R. C. C.



Peregrinos in terris soles, ad-
uenas in nubib⁹ homines nō-
dum illaeso natura excepit
hospitio Reuerendissime An-
tistes Laodicensis, Perillu-
stres, Illustres, Clarissimi Ex-
cellētissimi Religiosissimi Ad-
modum Reuerē Generosi cæteriūque Audito-
res vestris titulis ornatissimi. Nam & geminos
in vna Republica Moderatores tanquā Ty-
rannos, é voto Alexandri Magni iam pridem
exilio mulctauit, & tumidam Gigantum Cy-
clopumque insolentiam cum Ioue vlttricibus
flammis ad inferos condemnauit. Cæcus sit o-
portet in hac speciosa rerum varietate ad qua-
rum spectaculum mens hominis maiestate con-
funditur, oculus serenitate caligat, vultus pre-
tio erubescit, qui affirmare audeat duos in
mundo posse lucere Soles, aut extra mortalitatis
leges positus, qui existimet humanum esse vacuo
pede fugientem auram calcare. An non fuisset
exosa in naturali Imperio talis societas? quæ di-
uerso agendi flexu spem vitæ in rebus natura-
libus duceret in perniciem. & venturum in flo-
re solatium præcideret inimico radiorum con-
A cursu ?

curfu ? quid ? Nos homines aurantè communi
viueremus quâ nunc respiramus ? nùm securos
terræ figeremus gressus quam quotidie premi-
mus ? num pulchra superficies manibus in am-
plexum recurreret, quàm frequenti vsu attre-
ctamus ? minimè verò Quemadmodum aspe-
ra frigoribus hyems detrahit amantitati, sic ni-
mius calor adustione: illa ad regenerationē, hic
ad interitum, illa spem ingerit, hic desperatio-
nem. Fabulosa antiquitas Solem discordi equo-
rum cursu terris cum Phætonte inclinauerat.
Icarum naturâ implumem delicatis ad cœleste
hospitium alis superbia inuitauerat. en vtriuf-
que exitium ! nam ille imperitiam regendi flā-
mis, hic ambitionis æstum aquis expiauit. Ita il-
lorum errore discimus nec duos in terris oriri
Soles, nec homines in nubibus nasci. Verum
dum ego hodiernâ die splendidissimum in ve-
stro cœlo Patres Religiosissimi Solem conspi-
cor, retraho me ipsum, & ex ingenti radioꝝ
luce, vniuersam oculis animoque colligo hila-
ritatem; duos iam in terris oriri Soles non mi-
ror. Lux cuius serenitatem vmbris metimur,
oculis nostris debetur, at hic lucidissimus in ve-
stro Zodiaco Phæbus, animis mentibusq; præ-
fulget. Ille vegetabilium Parens mutis etiam
Elementis, hic eruditis duntaxat ingenijs lu-
men affundit, tantò illustrius, quantò nos ho-
mines bruta animantia rationis nobilitate su-
peramus. Ille viuientium Seruator impuris fe-
rarum

rarum serpentumque connubijs suam impendit fecunditatem ; hic serenus animorum Titan in domo Sapientiae turpitudinem thalami spontaneam Eclipsi auersatur, & ne intellectus maculae, suam illuminatione appareant turpiores, pulchritudinem contrahit radiorum. Agnoscimus ergo Sol Iustitiae geminos in orbe Soles ! in utroque caelo nitidissimas faces ! nam quod spiremus, quod viuamus, quod intelligamus, Tibi soli debemus utriusque luminis Auctori, Seruatori, Moderatori. At ne quispiam credat a me Doctorem Angelicum in Solis appellationem euocari ? non sum nescius a plerisque Oratoribus Solis titulo fuisse decoratum, quia, tamen periculosum est oculos ad intuendum, minimè pertinaces Solis opponere serenitati, & in hodierna hilaritate composito ad lacrymas vultu indecorum loqui, auidam intuendi voluntatem iucundo IRIDIS aspectu satiabo, cuius amèniore coloris in sanctitate, puritate, & sapientia Doctoris Angelici contemplabor ; tum quia IRIS imago Solis est, tum quia iterato desiderio facilem oculorum nostrorum admittet curiositatem. DIVE DOCTOR quis vel minimus dicendi artifex Tuam pulchritudine illectus sacrum sibi indicare possit silentium ? si Tu & in oculos coelestibus lineamentis, & in animos rarâ virtutum maiestate incurris. Elinguis sit, oportet, quem candor serenus Diuinissimo Soli concolor non recreet ; nouitas admirationem

in spem effusi gaudij non erigat, sæcunda dicē-
di materies linguæ affectum in se non confun-
dat. Patere lucidissime Doctorum Sol, dum
me spectatorem virtutum Tuarum Oratorij e-
ludunt lusus. à Tuo lumine dicendi argumē-
ta illustrari. Vos Auditores quæso ne meæ di-
ctionis vmbras censorio admoueat penicillo
sed silentio docti pro me Oratore magis facū-
diam ipsam virtutum Doctoris Angelici in-
coloribus refractis quàm me è cathedra pero-
rantem auscultate.

Nunquàm augustius D. THOMAS ex fu-
arum priuilegio virtutum nomen Doctoris in
Ecclesia militanti per animos mentesque Eru-
ditorum circumtulit, & proximè cœlesti eme-
ritum solio Caput more Triumphatoris coro-
næ submisit, quàm dum citra sortis alienæ di-
minutionem ipse in triumphalem arcum Ec-
clesiæ Soli Diuinissimo abiit in IRIDEM refra-
ctam. Quid ita? ergonè Orbi Christiano alia,
defuerunt pacatæ tranquillitatis omina nisi in
cornutum IRIDIS orbem futurus Christiani
orbis Doctor transiisset? nonnè illustrius Di-
uinæ simulque humanæ Maiestatis in Ecclesia
fuiſſet auctoramentum? Columnam ignis Po-
pulo Electo dedisse in securitatem, vt capeſ-
sendæ immortalis gloriæ nomenclaturam, ne
sæculorum edacitate interiret, columnis inci-
diſſet? nonnè feliciori stratagemate Dominus
Exercituum contra infensi calliditatem hostis
vtere.

uteretur si æneum serpentem publico mili-
tantium aspectui exposuisset in Castris, vt ne-
mo sinè vitæ periculo aspiceret, qui ad salutem
Patriæ viuere non possit? minimè Auditores.
Hoc demum fuit Saluatoris nostri Solem esse
Ecclesiæ si in Thomam Doctorē tanti capacem
luminis suæ serenitatis ærarium transtulisset,
splendorisquæ sui pulchritudinem nonnisi in
IRIDE Aquinatica coronasset. Fuerit sanè co-
lumna Ignis in veteri Testamento Diuinæ si-
mulachrum prouidentia; nunc fatale sub cœ-
lo fuisset portentum, ad cuius aspectum facile
spem gaudiorum cogeremus ad luctum. Fue-
rit pro miraculo Iudæis æneus in deserto ser-
pens, cui excelsa montium iuga & densæ ar-
bores laureatos submisere vertices, & pro lin-
guis exulantium sua folia liberatori DEO in
Panegyricos explicuerunt, at nunc solo origi-
nis vitio tanquàm infamem humanæ naturæ
hostem damnamus ad tenebras, sæpiusquæ sub
grato amicitia; vultu tetras inimicitias experi-
mur. Et Vobis Theologi Sapientia; Sol nun-
quam affulsit illustrius quàm dum in IRIDE
Aquinatica æmulam sui lucem doctis cælauit,
coloribus, vtquæ in homine paruum serenaret
Orbem in Vestro Zodiaco beatum hocce po-
suit Phænomenon! præuiderat fortasse Diui-
nissimus Astrorum Princeps nè immensa lucis
suæ amplitudo mentes feriret & oculos, ac
proinde Aquinaticam Nubem mutuo irradia-
uit splen-

uit splendore vt in Sacrato Elemento descri-
ptam legem & ciues Patriæ quotidie discere,
& hostes Ecclesiæ suis gratiam erroribus pos-
sint inuenire. Ego quidem dum hæc cogitati-
one amplector, ante alios colores prima in-
currit meorum aciem oculorum nobilissima,
Aquinatici purpura sanguinis, quæ sola ad ma-
gnæ dignitatis æstimationem D. THOMÆ suf-
ficeret, nisi in publico Ecclesiæ theatro virtutis
accessione indigeret. Nobilior eminuit purpu-
ra quò ampliore tolerantia clarissimus virtutis
succus exprimeretur vt generosus à fortuna,
nobilis à virtute dici mereretur. Non decuit
aliter Diuum THOMAM ornari nisi vt ex ipso-
met felix acciperetur nascendi principium, &
ipsa originis purpura Solis refractione purpura-
sceret. Nempè illi qui è sanguine nobiliore
nascuntur habent hanc inclyti ortûs sui tesse-
ram vt à plebe secreti rubeant purpurati ante
purpuram. Verùm Tu Doctor Angelice Aquina-
tici heres sanguinis, noluisti impressam Tuæ
IRIDI à Sole purpuram Maiorum fastis inuol-
uere, & ab Aus Proauisq̃ue fumosas rapere co-
gnationes, plus est domesticas vmbas Diuinâ
attractionis virtute commutasse in lucem, &
omnem vetustæ stirpis ordinem cœlestibus mi-
scuisse splendoribus, quàm alienâ ditari prædâ
& emendicatis ad ostentationem spolijs super-
bire. Itaque Auditores Comitum Nostri Aquina-
tici Maiorum Numina in argumentum di-
ctionis

ctionis meæ non prouocabo. Quiescite ô sancti
cineres quiescite ! nil superest è vestro sanguine
in successore THOMÆ, nisi modica spirandi
portio : nihil ex humanis splendoribus nisi indu-
tus à generoso contemptu pallor. Coronare
domesticos vocalibus laureis postes ad succes-
sorum reuerentiã, innati amoris fuit ? Coro-
nastis. potentiam domûs amplitudine opum in
posteris firmare prudentiæ ? Firmastis. Ad ho-
nores & magnorum nominum fastigia gradum
facere excelsæ mentis ? Fecistis. Attamen
D. THOMAS nobilioris sortis artificio hæc blan-
dimenta contempsit gloriosè. Maluit pretio-
sum in paternis opibus lucrari damnum, quàm
fragili ætatis cursu in insidias feruidioris vitæ in-
cidisse. Elegit magis suam innatam purpuram à
Sole Diuinissimo illustrari, quàm ad faces am-
bitionis incalescentis erubescere, virtutis puta-
uit iter altius conscendisse solâ rectefactorum,
constantiam non maiorum arrogantiam. Nescio ta-
men coelestinè factum est augurio quod D. THO-
MÆ Aquinati hæc nascendi conditio obtigisset,
vbi pro domesticis Ceris Gentilitia acceperit,
flumina dignum in IRIDE sui Natalis hieroglyphi-
cum. Credidisset alius D. THOMAM fore ali-
quando flumen sitientibus popolare, ad quod
concurreretur vndique, haurietur abundè, obli-
debitur numerosè. Accuratiùs pensitaret alius
futurum cum impuro Cupidine certamen opus
fore ad exstinguendas flammæ frigido Elemen-

to. Ego ipse, ne sim vates, facienda Tibi erit,
è patrio limine fuga exul Sanctissime, describes
in scia fratribus vestigia in patrijs hisce flumini-
bus, vt elusa piâ arte impietas, Tuos immortales
non legat passus. Verum Diuinæ virtutis arca-
na licet humanæ pupillam mentis effugiunt,
quoties tamen viuaci in publicum prodeunt ar-
gumento, ex effectû facile noscuntur: non po-
tuit ergo **IRIS** Aquinatica in collectis Maiorum
suorum vmbris conspici, & refractas colorum
species ostentare ad pulchritudinem, ne inca-
pacitate subiecti illustrem fortunam consensu
Philosophorum damnaret ad inopiam; ipse Sol
Diuinissimus Gentilitia flumina intensi caloris
sublimauit actiuitate, vt in nube rorida id est
Aquinatica suarum virtutum effigies imprime-
retur, & imbecillitas Nostri sensus refractionis
securitate firmaretur. Mirabilior Xerxe quia
is tumentem duntaxat in vincula coniecerat
Hellespontum; hic obnitentia Aquinatica flu-
mina exsiccauit in nubes, si tamen hoc est ex-
ficcare an non potius à consortio vanitatis ad
stabilem prouocare felicitatem. Non miror te
BONE Eremiticola Tuo nomine melior quod in
alta solitudine in hanc Nubem prodeunti Tho-
mæ Doctori serenâ fronte occurreris. Nam in
ipso ortu debuit celeri gradu noxias virtutibus
moras ad Solis conspectum superare qui ma-
gnorum nomina Doctorum in Ecclesia tran-
scensurus erat. Debuit in eminentissima sede
cæle-

caelestem ordiri claritatem, qui tanquam prodigium sapientiæ non in sola Italia sed toto terrarum orbe in publicum erat proditurus. Habemus magnas gratias inclyto sanguini Aquinatico, quod domesticam purpuram cælestis commercio purpuræ coniunxerit; Maiores Tibi THEODORA Parens quod THOMAM Doctorem tanquam Dei DONVM utilitati publicæ protuleris; maximas Tibi Prædicatorum Ordo sapientissime, quod tuum nomen nunquam clariùs quàm in IRIDE Aquinatica fueris interpretatus. Olim obseruatum erat vt quisquis ad sacram Fortunæ Aram peregrinari vellet, lotis nonnisi pedibus discrimen iniret: Noster purpuratus Comes dum vehementi Solis diuinissimi impulsu terras emensus sese in IRIDEM componeret, ne terrenus sudor purpuræ fortuito concursu cœlestem alteraret formam Marianum exhausit congiarium, vtq; futurus Angelicus Doctor ex Gentilitijs fluminibus in horizontem Ecclesiæ laureatum efferret caput purissimo se immergit mari, dum Angelicæ legationis ad Mariam Sacramentum mellitis labijs absumpsit Solem imitatus, qui iuxta Pòetæ placitum in Hesperio mari præcipitem rubro lauit æquore currum. O purissima peregrini sudoris balnea! ô fortunatas Thomæ in coronam abeuntis Thermas! Satis est Auditores de purpura, quia & ego vestræ beneuolentiæ abusus patientiâ non possum non erubescere iucundiori

diori passu ad candorem progrediamur. Ec-
quis hominum est qui candorem & puritatem
Angelicam sanguinis societate non corrumpat?
non corrumpit D. THOMAS. Quis generis clari-
tatem, vt quasi tela sub nobilibus emineat fi-
guris virtuti, subducat? subduxit D. THOMAS.
Quis in tenera ætate ad vitiorum aspectum
palleat & colorem Angelicum in vultum ex-
pendat? expendit D. THOMAS. Hominisne ea
inuentio est? candoris Angelici in humano
corpore lusus. Dicerem Candorem hunc IRI-
D I Nostræ in cænobio Cassinensi ab operosa pa-
ginarum reuolutione aduenisse, aut à quin-
quenni pietatis exercitio pugnandique cum af-
fectibus solertia induisse pallorem. Verùm ce-
do, cedo vobis Patres sapientiæ candidati can-
dorem IRI D I Aquinaticæ ad Vestram auoca-
ri æstimationem. Auxit credo illa suum cando-
rem Vestri desiderio candoris, & intenta in-
curam candidæ Religionis incanuit. Narcissum
imitata qui vt quondam in florem sui nominis,
ita in vestrum transiisse visa est candorem, auxit
inquam sed non perfecit. Quid enim perfee-
ret cui Angelicæ puritatis color per materni
sanguinis fratrumq; excubias obscurandus erat.
Proh dolor! alienos premeret oculos hæc amæ-
na colorum positio, at fraterni infelices cæcu-
tiunt oculi vt pulchrius ab inuita carceris refle-
xione candorem IRI D I quàm à spontanea
Solis illuminatione existiment lucere. Candide
Tho-

THOMA periculofum inftat certamen extremas
inter qualitates. nôfti optimè dubio fæpè euen-
tu in Elementum pugnari Elementis, vide quæ-
fione materna & fraterna manus alicuius vitij ca-
ligine adfpergat, quem Sol ipfe Diuiniffimus olim
publico Ecclesiæ bono fit in exemplum ferua-
turus, indoluit fraterna æmulatio niueum in,
IRIDE colorem à fuarum incalescentia mina-
rum caligare non potuiffe; ergo ex officina te-
nebrarum euocat inducendis aptam coloribus
artificem Deam, vt in fpem victoriæ mollibus
priùs puncturis pudorem expungeret, & fenfim
ad imprimendas libidinis maculas celerius pro-
grederetur. Adfuit illa fcelefto intenta operi,
ne tamen fuo labori violentam manum admo-
uiffe videretur, fic noftrum priùs Comitem al-
locuta. THOMA AQUINAS generose Comitum
fanguis quid agis? hiccine tuus ardor eft vt dum
THEODORAM Matrem tuam toto perturbatam
corpore intueris, fecurè interim quiefcas? quæ
eft obferuantia fanguinis alienos quærere pur-
puriffos fi domestici adfint? candidam DOMINICI
veltem non eft cur expoftules; candidus es!
quidquid calcaueris niuea rofa, quidquid atti-
geris pretiofa gemmula eft. Florem hunc ca-
ftitatis quem tantopere defendis exiftima non,
malè periturum, fi eundem in fæcunditatem,
prolis expenderis. eia ocyus feftina, progredere
Comes Illuftriffime. O fuperi! quanta vehe-
mentia pij affectus ad has voces surrexit! hor-
rore

rore ipso contrariæ qualitatis quàm intensè im-
palluit ! Egonè [inquit] à terreno vitiorum
confinio ereptus iterum descendam ad inferos ?
ficcinè indutam à Sole diuinissimo virtutum ef-
figiem terrenis postponam vmbriis ? quale fuif-
set candoris mei cum fuligine commercium, illu-
strem fortunam ad obsequium indigentiae de-
flectere ! quantum felicioris sortis exitium ! se-
renum meæ IRIDIS velo Timantis ab obtutu ce-
lare vt orbis vniuersus magis in occasu mærore
tabescat quàm in ortu lætitiâ erigatur ? ergo
non feram, non patiar, non descendam. O vo-
cem vere Angelicam & humanis viribus maio-
rem ! ô contumaciam inobedientis animi gene-
rosam ! audite hoc omnes & admiramini qui
integritati militatis, quid vnquam candidius
potuit esse quàm admotis maculis maculas non
obseruasse ? quid fortiùs quam vno ictu tres ho-
stes in acie prostrauisse ? Io Io candide THOMA
vicisti ! assurge altiùs ! non iam tibi triumphal-
es cum Pompeio erigemus arcus, Tu ipse in
Coronam, Tu in arcum triumphalem assurge !
Habeant suas laudes, quicunq̃ue ne cum impu-
dicitia loquerentur linguam castam dentibus
mutilârunt, alij ne funera castitati funesta in-
tuerentur, euulsis oculis cæcutire contenti, dum-
modo virtutis constantiam & externi orbita-
tem luminis internâ luce solarentur. Noster
candidus THOMAS non admissâ iacturâ sui cor-
poris candorem in IRIDE seruauit, & vnicum
genus

genus victoriæ putauit noluisse. Tibi hic
Triumphus gloriæ paratur Ordo Prædicato-
rum sapientissime, meruit D. THOMAS dici can-
didus à candido DOMINICI flore & propu-
gnata castitate, Tibi ab vtroque sumendum e-
xemplum vt in hac candida veste prodeat quid-
quid dignum in victore glorioso est obserua-
tum. Quare deuicto hoste quid eum fecisse de-
cuerat? nisi vt Triumphalem arcum erexisset
in quo nomen Victoris posteritas legendo ve-
neraretur. Illa illa crux atro carbone parieti
inscripta, ne aliquando obliuioni pateret, abolitâ
veteri formâ vocem duntaxat transmisit in IRI-
DEM, vtrumque & candorem & crucem in lu-
nata litera composuit, vt quicumque genus vi-
ctoriæ voluerit sciscitari, modum simul vin-
cendi posset non ignorare. Actum tamen pro-
pè fuisse ne credat quispiam de IRIDE nostra
biennali carcere interclusa vt gemmis conchyliâ,
ita luci tenebræ officere non possunt, & licet sæ-
pius sceleratorum impietati patrocinari sole-
ant, attamen excelsæ mentes lucis absentiam diu
ferre nequeunt, quin in apricum erumpant.
Vnicum superfuit Victori nostro ad solatium,
ne eodem limine quod sibi ad iacturam virtu-
tis patuit, iterum ad experimentum constantiæ
redire cogeretur, timens dubiam certaminis
aleam, rarò aliquibus iteratâ pugnâ cellisse in
victoriam; patentem ergo inuenit fenestram
vt ex alto mærentium vultûs subitâ lætitiâ per-
D strin-

stringeret, & primo Religionis ingressu nunquam magis descendisse videretur quam cum ad obsequium Regulare descenderet. Dicam-
nè hoc loco quam sæpiùs in ALBERTI MAGNI schola, ad vocès Condiscipulorum impolitas se humillimè inclinauerit, quàm frequenter audito BOVIS agnomine aut ruborem exercitio virtutis aut subnigrum colorem contemptu sui splendoris induerit. Ego sic in censum gloriæ Tibi Doctor Angelice refero, tot colores in Tua IRIDE prosperâ festinatione emeruisse quot virtutum species in animi corporisque libertate possumus grato calculo computare; ignosce tamen impatientissimæ voci, si Te inuidum & lucis alienæ nimis parcum non absque cali nostrumque iniuria appellare cogar, nam collectos in Tua IRIDE splendores ita concauitate obscurabas, vt nisi ipsâ compressione virtus altius emicaret, ob Tuam humilitatem posthumis hisce coloribus iam pridem caruissemus. Video A N. maiori necessitate me in vestros affectus vsum esse quam mearum virium imbecillitas exigebat. Ergo à candore Angelico gradum facio ad virorem Laureæ Doctoralis, & Aquinaticos in exedris sudores & vestram audiendi patientiam Laureâ Coronaturus. Vide-
rint orbis Triumphatores an sufficiat victori ad promerendam Laurum cum Cæsare venisse tantum vt non viderit, non rigidum pectus, non vires fortunasque suas in confertissimos hostes eduxe-

eduxerit. Noster Laureatus Doctor ne sibi Comes virtutis, socia laboris, literarum nutrix, Laurea ad crescentis fastigium gloriæ immerita accessisse videretur **Magistri sententiarum** acumen ad fugandam ignorantiam in celeberrima vniuersitate Parisiensi assumpsit, & augmentum publici laboris Coronamentum vel ab ipso Christo meruit obtinere, cum benè de se scripsisse Diuino elogio probaretur THOMA [inquit] **bene deme scripsisti.** Agnoscunt ipsimet hostes Ecclesiæ & adorant Laureati Doctoris caput, dùm suas manus **Aurea** vinctas **Catena** attollunt in Triumphum, & quoniam aduersus lucem **Visionis Beatificæ** testes oculos sistere nolunt, imò libertatem linguæ in enuncianda **Verbi Diuini** deriuatione spontaneis malunt castigare supplicijs, ideò more vespertilionum lucem tenebris, veritatem simulatione intercludunt. At Tu Casimire Sarchieui etiam in hac hæresum obstinatione Laureato Doctori vt quondam ingeniorum censori **VRBANO VIII.** sic lætus occine.

Supplici Myrtus Tibi seruit umbra,

Seruiunt Lauri Tibi celsa longe.

Quercus assurgit tremuloq; pinus

Vertice nutat.

Hoc Thomisticum, hoc Aquinaticum est,
eruditas paginas in Laurus vertere solo argu-
D 2 menti

menti robore quo **CONTRA** gentes vsus est vi-
rorem Laureæ Doctoralis animare vt alter Do-
ctor gentium Laureatus dici mereatur. Quod
si apud hostes Ecclesiæ tanta Doctoris Nostri
veneratio? quid apud Ciues Patriæ? quorum
Christiani prærogatiuam nominis sic literarijs
defendit impensis, vt in aggressu patrocinium, in
perplexitate consilium, subsidium in lapsu ex
Oraculis Theologicis habeamus. Subsiste lingua!
& pro pio in Doctorem obsequio dùm suprema
Capita in Laudes suis præeunt suffragijs, tu humi-
lis ancilla sequere. **INNOCENTIVS IV.** in sermone
Ecce plusquam Salomon hic, ita pro te locuitur. *Hu-
ius Doctoris Sapientia præ cæteris habet proprietatem verborum,
modum dicendorum, veritatem Sententiarum, ita vt qui eum te-
nuit, nunquam inueniatur à tramite veritatis deuiasse, & qui
eum impugnauit semper fuerit de veritate suspectus.* **VRBA-
NVS V.** *Lucem eruditionis.* **CLEMENS VI.**
fructuosum palmitem. **IOANNES XXII.** *fer-
tile paradisi lignum.* **PIVS V.** **HONORI-
VS III.** **ALEXANDER IV.** & Sanctissi-
mus feliciter modernus in Rescripto ad Scho-
lam Louaniensem dignum proclamauit, Cu-
ius doctrinæ supplex in genua procumbat Or-
bis, & mansuris in **IRIDE** coloribus pius specta-
tor assurgat ad venerationem.

Sed quoniam altis cadunt de montibus vm-
bræ, futurum etiam **IRIDIS** Nostræ speremus
recessum. Quid autem dico recessum? non
enim **IRIDEM** Aquinaticam excessisse arbitre-
mur

mur, quàm veneratio in Altaribus posuit altitudo sapientiæ in Libris experssit, imitatio in animis, gloria in triumphis posteritati transmissit; tanta virtutis apud cælites æstimatio vt cumulatè mortales Natalium purpuras immortalitate, defensum candorem militari baltheo, emerita Doctorum capita Laureis virentibus soleat coronare. Quidquid igitur mortalitatis habuit hoc in **Fossa noua** nouo utiq; mundi thesauro destinata ad perpetuam deponi voluit securitatem. Tibi Prædicatorum Ordo Sapientissimè nobiliorem sui partem ad stabilem sæculorum reliquit cultum, vt gratâ redhibitione acceptam claritatem non alibi, quam in Tuo sinu reponeret. Longis tuorū factorū in Ecclesia successib⁹ laudes non metiar, ne immensos Solis radios angustâ definire periodo, & scientiarū opes quibus pretium nullum est ad stateram, dictionis cogere videar; vnicum felicitatis Tuæ compendium esto **IRIS AQUINATICA** cui præter triumphales Academiæ voces nuper ab operoso Magistri Tui **Grauinæ** laudum apparatu cumulatior accessit reuerentia, fulgebis tamdiu quousq; pulcherrimus **IRIDIS AQUINATICÆ** splendor erit præ oculis æternitati, erit autem quamdiu Sol iustitiæ præsentiam sui in Ecclesia patrociniæ retinebit. Tibi Doctor Angelice in agone dictionis meæ supplex gratusq; aduoluo & ante quadriennale **Cordis re-**
E spirium

sp̄rium & hodiernum vocalis obsequij mo-
mentū tanquam Academicæ vectigal gratitudi-
nis reddo. Tuum est quidquid in Ecclesia,
Maiestate splendidum, sapientiā clarum, lauda-
tis successibus decorum. Cedant nunc Tuæ IRI-
DI otiosa Romanorum decora solo fulgore am-
bitionis decora. ego affectu Academico futu-
ræ in Ecclesia omen tranquillitatis ad Tuam IRI-
DEM filiali manu suspensum relinquo cum lem-
mate Feret lux ista quietem. Dixi



Biblioteka Jagiellońska



stdr0020798

